



# Anna Lindh Fondacija Bosanskohercegovačka mreža

Helsinki Citizens' Assembly (hCa) Tuzla / Youth Resource Center Tuzla  
Hadži Bakirbega Tuzlića 1, 75000 Tuzla, Bosna i Hercegovina  
Tel/fax: ++387 35 258 077  
e-mail: hcatuzla@bih.net.ba, orctuzla@bih.net.ba, www.omladina-bih.net

## VIII SASTANAK ALF BiH Mostar, 03. – 05.09.2015. god.

### IZVJEŠTAJ

Sastanku u Mostaru je prisustvovalo 24 predstavnika iz 22 organizacije članica ALF Mreže BiH, te jedna organizacija koja ima namjeru da se pridruži ALF BiH (Udruženje za postkonfliktna istraživanja CPI Sarajevo).<sup>1</sup>

Nakon dolaska, registracije učesnika i koktela dobrodošlice, osmi sastanak članica ALF mreže BiH počeo je u 16:00 časova, kao što je i programom bilo predviđeno, nakon već održanog sastanka Upravnog odbora.

Gosp. Miralem Tursinović, kao nacionalni koordinator ALF mreže Bosne i Hercegovine, nakon srdačne dobrodošlice prisutne članove je upoznao sa dnevnim redom sastanka, planom i programom te tehničkim detaljima sastanka, a nakon toga je uslijedilo i predstavljanje prisutnih učesnika i organizacija iz kojih dolaze.

Gospodin Tursinović je podnio izvještaj o radu i proslijedio informacije o dosadašnjem radu Koordinatora i glavne kancelarije, kao i o realizaciji zaključaka sa sedmog godišnjeg sastanka članica BiH mreže Anna Lindh Fondacije.<sup>2</sup>

Nakon izvještaja Gospodina Tursinovića i kraće diskusije gdje su članice mreže upoznate i o tome da su na sastanak pozvani i predstavnici Udruženja za postkonfliktna istraživanja - CPI Sarajevo, koji su se se tom prilikom i predstavili i izrazili spremnost za članstvo u ALF mreži BiH, gospodin Jasmin Jašarević je podnio izvještaj sa Upravnog odbora koji je bio održan prije ovog sastanka.<sup>3</sup>

Krajem prvog dijela sastanka uslijedila je diskusija sa pitanjima, pohvale za rad glavne kancelarije i ALF mreže uopšteno, te prijedlozi članica za poboljšanje rada u mreži. Pitanja članica su se odnosila na ukupni budžet ALF Fondacije i pitanja u vezi očekivane objave javnog poziva za projekte. Na oba pitanja je dao odgovore gospodin Tursinović i uputio sve članice da posjete i internet stranicu ALF za više informacija. Prijedlozi i komentari su se ticali povećanja vidljivosti rada i rezultata ALF mreže BiH, te su se prisutni usaglasili da je potrebna veća angažovanost članica tokom izvještavanja o svojim aktivnostima poduzetim u okviru ALF-a te da je potrebno poštovati i primjenjivati dogovorene stvari na prethodnim sastancima ALF mreže BiH te aktivnije korištenje postojećih resursa za promociju rada ALF Mreže BiH kao što je Facebook stranica i mailing lista koju ima glavna kancelarija. Tokom diskusije istaknuto je da je potrebno pokrenuti više zajedničkih aktivnosti unutar ALF mreže BiH, te na taj način graditi pozitivni imidž Mreže kao i samih članica. Usvojen je zaključak da

<sup>1</sup> Spisak učesnika je dostavljen u materijalima za sastanak

<sup>2</sup> Izvještaj koordinatora o radu kancelarije i ALF BiH Mreže za period oktobar 2014.-septembar 2015. je dostavljen u materijalima za sastanak

<sup>3</sup> Izvještaj UO se nalazi u prilogu ovog zapisnika



# Anna Lindh Fondacija Bosanskohercegovačka mreža

Helsinki Citizens' Assembly (hCa) Tuzla / Youth Resource Center Tuzla

Hadži Bakirbega Tuzlića 1, 75000 Tuzla, Bosna i Hercegovina

Tel/fax: ++387 35 258 077

e-mail: hcatuzla@bih.net.ba, orctuzla@bih.net.ba, www.omladina-bih.net

glavna kancelarija dostavi vektorski logo članicama kako bi mogli da isti postave na svoje stranice (oni koji to do sada nisu uradili).

Nakon izveštajnog dijela članice su bile pozvane da podijele svoja dostignuća u radu nastala u periodu između dva sastanka:

- Fondacija CURE: istaknuto je da su feministička organizacija i posebno su istakli neke od projekata kao što su; knjiga „Moj glas odjekuje“, projekat Politička participacija žena u BiH, „Sarajevske heroine“, „PIČVAJZ“ festival i druge aktivnosti koje su bile prezentovane putem promotivnog materijala podjeljenog na sastanku.
- Glas Žene: postoje deset godina i ciljna grupa su im marginalizovane skupine – mladi i žene. Realizuju projekte; Učešće žena u izbornom procesu, Žene u izgradnji mira, Rodno zasnovano nasilje u školama u USK, „Mir sa ženskim licem“, INICIJATIVA - „Orodnjavanje Ustava BiH“.
- CPI Sarajevo: ciljna grupa mladi ljudi, rade na pomirenju među mladima i istakli su projekat „Obični heroji“.
- IPAK Tuzla: osamnaest godina rada, istakli su projekte; „Stariji brat – starija sestra“ i regionalna omladinska konferencija koja se desila u Tuzli.
- proMENTE: istakli su projekte koji se bave školskim programima i inkluzivnim programima, a rade i na projektima socijalnih istraživanja i projektnih evaluacija. Radili su na analizama udžbenika iz tzv. nacionalne grupe predmeta, te organizovali treninge za nastavnike u okviru projekta pomirenja koji se implementira u 19 škola u BiH.
- ToPeer: projekti; „Brana“ koji je vezan za obnovu nasipa oštećenih u poplavama u Doboju, „Zaštita potrošača“, „Živa biblioteka“, „Rad sa djecom iz destruktivnih porodica“ te projekat ženskog aktivizma iz ruralnih područja „Znaci postojanja“.
- SEEYN: 15 godina rada i mreža od 21 organizacije koja djeluje u 10 zemalja. Fokus na izgradnji mira i tolerancije među mladima. Djeluju uglavnom kroz internacionalne projekte i rade na izgradnji kapaciteta i umrežavanju.
- Leptir Srebrenica: rade sa djecom sa posebnim potrebama i istakli su kako je situacija sa ovom populacijom i danas teška, a potrebe ogromne, rade na projektima edukacije djece i promociji sporta (dvije članice udruženja učestvovala na Specijalnoj olimpijadi u Los Angelesu gdje su nastupale za BiH). Aktivno rade i u području kulture a istakli su i problem sa prostorom za rad za udruženje.
- LDA Mostar: djeluju kroz asocijaciju ALDA kao jedna od 13 organizacija članica osnovanih od strane Vijeća Europe 1993. Pružaju podršku razvoju mladih, žena, lokalnih zajednica i društva u cjelini. Istakli su Regionalnu platformu za učešće i dijalog mladih Balkana za jačanje uloge mladih u društvu i istraživanje o mladima koje se sprovodi u okviru ovoga projekta, inicijativa za Centar za arhitekturu, dijalog i umjetnost te ERASMUS+ projekat za mlade.
- ODISEJ Bratunac: istakli su sledeće aktivnosti snimanje dokumentarnog filma „Seobe“ kao i inicijativa koja će se baviti neobilježenim mjestima stradanja u BiH.
- „Pod istim suncem“ Jablanica: istakli su Projekat za aktivne zajednice, Online centar za edukaciju mladih, Jablaničko ljeto (škola kanua i veslački maraton), Budi muško klub, Grad jednakih mogućnosti – projekat usmjeren na prava Roma, Kino u jablanici i najavili su plan za osnivanje Kongresnog centra u Jablanici.



# Anna Lindh Fondacija Bosanskohercegovačka mreža

Helsinki Citizens' Assembly (hCa) Tuzla / Youth Resource Center Tuzla

Hadži Bakirbega Tuzlića 1, 75000 Tuzla, Bosna i Hercegovina

Tel/fax: ++387 35 258 077

e-mail: hcatuzla@bih.net.ba, orctuzla@bih.net.ba, www.omladina-bih.net

- EKO Leonardo: 10 godina rada, fokus na zaštiti i unapređenju životne sredine, Izgradnja EKO Kampa Majeveca – projekat u toku.
- ENTER Vitez: istakli su Gradsko kazalište mladih Vitez, fokus na mladima, kulturi i sportu. Aktivnosti usmjerene na buđenje svijesti da se može nešto postići te navode uspješne primjere Likovne galerije, Info sajma mladih, Omladinske inicijative Centralne Bosne i inicijativu za Europski Dom.
- Nova ženska inicijativa: osnovani u januaru 2015 i imaju projekat Relaks soba za djecu u školi Mejdan u Tuzli.
- Šesto čulo: djeluju od 2015 godine kroz razne edukacije, radionice, volonterske i humanitarne akcije. Članovi koalicije Tolerantno i pozitivno.
- ORC Tuzla: koordiniraju rad ALF mreže BiH, istakli su Omladinsku grupu ORC Tuzla, inicijativu Tražimposao.ba, projekat Građanska mreža za mir, pomirenje i ljudsku sigurnost na Balkanu, Bilten Omladinske mreže BiH, te kontinuirano informisanje mladih i organizacija civilnog društva putem e-mail-a i mailing grupa.
- Magic Factory Tuzla: istakli su Tuzla film festival i Nexus gaming fest kao najznačajnije aktivnosti a najavljuju i dugometražni film i nabavku opreme za snimanje filmova.
- PRONI: istakli su rad Lokalnih volonterskih servisa u Brčkom i Bijeljini, PRONI je kontakt tačka za ERASMUS+ program za oblast mladih u BiH, podrška radu 26 omladinskih klubova u Brčkom, projekat za promociju volonterizma u Bijeljini, Brčkom i Orašju, projekat obrazovanja odraslih – obuka za Menadžere društvenih mreža te naveli učešće u nekoliko ERASMUS+ projekata razmjena mladih.

Ovim izvještajima o radu organizacija završen je prvi dan sastanka.

Drugi dan sastanka započeo je diskusijom i usvajanjem ALF BiH media plana.<sup>4</sup> Media plan je usvojen kao polazna osnova za razvijanje budućih aktivnosti u vezu promocije rada ALF Mreže BiH a kao dodatak tome usvojena je odluka o formiranju PR grupe ALF Mreže BiH u sastavu:

1. Medina Mujić, CURE Sarajevo
2. Azur Ramić, IPAK Tuzla
3. Emir Vildić, GEC Tuzla

Dogovoreno je da ova grupa pripremi i ponudi detaljniji plan medijskog djelovanja u skladu sa raspoloživim budžetskim sredstvima, koja su trenutno minimalna za ove svrhe. Glavna kancelarija će koordinirati ovaj proces.

U nastavku rada tokom sastanka diskutovalo se o planovima za naredni period - zajedničke aktivnosti mreže: „Network intercultural action“, gdje su prisutni upoznati o tome da su trenutno dva projekta unutar ALF Mreže BiH u fazi procjene i da će uskoro jedan od njih biti odobren. Prezentovan je trogodišnji strateški plan i aktivnosti ALF (2015. – 2017.) kao i Poziv za projekte ALF 2015.

Istaknuto je da dosadašnje strategije za lobiranje Ministarstva vanjskih poslova BiH nisu bile uspješne te je istaknuto da su članovi UO preuzeli odgovornost za uspostavljanje kontakta. U

---

<sup>4</sup> Media plan ALF BiH dostavljen je u materijalima za sastanak



# Anna Lindh Fondacija Bosanskohercegovačka mreža

Helsinki Citizens' Assembly (hCa) Tuzla / Youth Resource Center Tuzla

Hadži Bakirbega Tuzlića 1, 75000 Tuzla, Bosna i Hercegovina

Tel/fax: ++387 35 258 077

e-mail: hcatuzla@bih.net.ba, orctuzla@bih.net.ba, www.omladina-bih.net

smislu definisanja uloga organizacija članica ALF i strateškog pozicioniranja ALF BiH mreže u periodu 2015. – 2017 diskutovalo se o tome da mreža stoji i otvorena za sve organizacije, pojedince i druge mreže koje žele da se uključe, ali da se mora aktivnije raditi na promociji pozitivnih rezultata mreže počevši od samih članica ALF Mreže BiH koje su, u par navrata podsjećane na postojanje strateških dokumenata ALF BiH, te je glavna kancelarija preuzela odgovornost da svim učesnicima proslijedi do sada usvojene strateške dokumente i akte ALF Mreže BiH, kako bi dodatno stimulisali i gradili zajednički identitet članica u okviru ALF Mreže BiH.

## Izborna Skupština ALF mreže BiH

Tokom sastanka Izborne skupštine ALF BiH odlučeno je da se produži mandat na dvije godine postojećim članovima Upravnog Odbora, te da se u Upravni odbor kooptira još jedan član (od ponuđena tri člana od strane organizacija članica).<sup>5</sup> Nakon diskusije odlučeno je da se, kao osmi član UO ALF Mreže BiH, kooptira gospođica **Sretenka Mihajlović iz organizacije „Šesto čulo“ Doboj**. Upravni odbor će svojim pravilnikom definisati budući rad.

Nakon Izborne skupštine prisutne članice ALF Mreže BiH su nastavile rad u radionici Umrežavanje i pisanje projekata za ALF.<sup>6</sup>

**Izveštaj sačinila:  
Mirjana Stamenković**

---

<sup>5</sup> Izveštaj o nominacijama i (re)izboru članova UO ALF BiH dostavljen u materijalima za sastanak

<sup>6</sup> Izveštaj sa radionice Umrežavanje i pisanje projekata za ALF se nalazi u prilogu